



Bájkkeavijssa NuorttaSálto

Sámegiella ienebuv

Tæksta:
Børge Strandskog
Járggálibme:
Divte Media AS/Idar Kintel

vuoroduvvá Fylkkamánnes

■ Ádåjakmáno 1. bieje 2012 álgij Nordlándá fylkka-
mánne guovte-jahkásasj álggoprosjevtav gánná
oajvveulmme le lasedit máhtudagáv sáme giela ja
kultuvra birra suohkanijn sáme álmugijn. Prosjækta-
jadediddje le Per Inge Finnesen Divtasvuonas.



Fylkkamánne Hill-Marta Solberg le
loabedam nanos vuorodimev oarjjel- ja
julevsámegiela.

- Sámij dille sjaddá ájnnaabbo gá
mærrádusá váldeduvvi Fylkkamánne
lunna Nordlándan. Dan diehti vuorodip
bargov sámegiela, le Solberg ávdđála
javllam.

Mærrádusá suohkana ja fylkkasuohkana
dásen li riek ájnna gielav ja kultuvrav
bisodittjat ja ávdđánahtátjit. Stáhtta
rámmajt biedjá dájmaida, ja ádástuhttem-
háldadus- ja girkkodepartemennta le dan
diehti aktan Fylkkamánijn Nordlándan
álgadam álggoprosjevtav.

- Fylkkamánne vuorodime duogásj le
miededibme máhtudahka sáme dilij birra
le nievrre almulasj dájmaida. Ienemus
departementajn li dahkamusá ma máhtti
vájkkudit sáme gielav ja kultuvrav. Valla
sæmmi báttá le binne mærráj guovdde-
lasj sámpolitihkalasj vájkkudusá
departementas vuollálasj dájmaida,
tjelggi prosjæktajadediddje Per Inge
Finnesen.

Divna gálmma almulasj sámegiela
aneduvvi Nordlándá fylkan, ja moatten
guovlon le tjoahkke árudahka sámijda.
Dát guosská nuorttasámegiellaj
Evenássjeguovlon, julevsámegiellaj
Hábmera/Divtasvuona-
guovlon ja oarjjelsáme-
giellaj Hattfjeldalen
ja Granen. Dáj guovloj
álgusjbielen sáme
duonna dánna árru fylka
moatten suohkanijn,
gánná sáme árru
ienebut sihti adnet
dajt dájmaida ma
gávnnuji ja



masi riektá li tjanáduvvam.

- Vuojnne aj ahte stuorámus stádajda
ienep sáme árru. Máhtudahka sámij dilij
birra le huoman nievrre ienemus suo-
hkanijn. Dájna luoboj árru sáme
álmugin, ja gallegasj árru sáme
duogátijn moadda suohkanijn,
hásstalusá sjaddi moadda ja moatte-
belaga, tsuojgot Finnesen.
Fylkkamánne le máhtti jagij tjadá ámastam
máhtudagáv sámij dile birra, sierraláhkáj
áhpadussuorgen, ja navti le siján buorre
vuodo prosjevtav ávdás vásstedit. Ulmme
sjaddá oassálasstet laseditjat
máhtudagáv sáme giela ja kultuvra birra
suohkanijn gánná le sáme álmug,
viiddábut ávdđánahttet Fylkkamánne
bagádallerállav sáme ássijn, aktan
systematiserimijn ja diededimijn
átsádallamijs majna le árrvu ietjá
fylkajda.

- Bargadahttij prosjevtajn sjaddá
ájnna vieledit suohkanij iesjstivrimav
ja ij biedjat sierra sámpolitihkalasj
dahkamusájt suohkanijda. Dahkamus
sjaddá hiebadahhtet ja arvusmahttet
suohkanijjt vieledittjat sáme dilij gá
plániji ja ávdđánahtti dievno-
fálaldagájt. Dán perspektijvan
sjaddá aj ájnna iejvvit suohkanijjt
daj æjvvalimarenajn ma juo li
ásaduvvam, miejnne Per Inge
Finnesen.

Álggoprosjevtav guhkkudahka
galggá liehket 2 jage, ja prosjevtan
le ekonomalassj rámma badjelassj 2,2
milijávná krávná. Fylkkamánne jáde-
diddjejuogos le prosjevtav
stivrimjuogos, ja referánsasjuogos
galggá ásaduvvat ájrrasijs departe-
mentas, Sámedikkas, KS-as, Nordlándá
fylkkasuohkanis, Nordlándá universi-
tehtas, sáme kultuvrraguovdátijis ja
sáme organisasjávna. Prosjæktajade-
diddje sjaddá referánsasjuohkusa tjálle.
Dan diehti gá dát sjaddá álggoprosjækta,
gánná prosjevtav báhtusa máhtti
vájkkudit makkir tjoavddusijjt departe-
menta boahteájjgájt vállji ietjá
suohkanijda sáme álmugijn, de ij le
dássju sávdahhte, valla aj dárbulassj
prosjævtav átsádallamij gáktuj dutkat.

PER INGE FINNESEN le
ádåjakmáno 1. bieje rájes
jadediddje Fylkkamánne guovte-
jahkásasj prosjevtas. Sujna le
sæmmi báttá muhtem mærráj
permisjávna sáme rádediddjen
Nordlándá fylkkasuohkanin, valla
galggá joarkket barguj avta
bieje vahkuj fylkan.

PER INGE FINNESEN er fra 1.
januar leder for Fylkesmannens
to-årige samiske prosjekt. Han
har samtidig delvis permisjon fra
stillingen som samisk rådgiver i
Nordland fylkeskommune, men
skal fortsatt arbeide en dag i uka
på fylket.

